

- \*1. وزیر اعظم نریندر مو دی نے 1975 مانہہ نافذ ایمرجینسی غی مزاحمت کرن آلا تمام افراد نانہہ خراج عقیدت پیش کیو ہے۔
- \*2. جموں تیں شری ماتا ویشنو دیوی مندر واسطے براہ راست ہیلی کا پٹر خدمات اج تیں شروع کر دتی گئی ہے۔
- \*3. لیفٹنٹ گو رنر منوج سنہا نے اج بالتال بنیا دی کیمپ غو دورو لاگے ات امرناتہ یا ترا واسطے کیا گیا حفاظتی انتظامات غو جائزو لیو ہے۔
- \*4. تے جموں بھگوتی نگر بنیا دی کیمپ مانہہ شری امرناتہ یا ترا واسطے تمام تیاریں مکمل کر لی گئی ہیں۔ ایس ایسپی جموں نے دسیو ہے کہ یا تری نواس بھگوتی نگر مانہہ حفاظت غا بہترین انتظام کیا گیا ہیں۔

\*\*\*\*\*

### PM Emergency

وزیر اعظم نریندر مو دی نے ان تمام عظیم مردان تے خواتین نانہہ خراج عقیدت پیش کیو جنہاں نے 1975 غی ایمرجینسی غے خلاف مزاحمت کی تھی۔ اک سوشل میڈیا پوسٹ مانہہ وزیر اعظم نریندر مو دی نے کہیو کہ یوہ تہاڑو ہمنان یا دواوے کہ کس طرح کا نگرینس جماعت نے بنیا دی آزادیاں نانہہ روندیو تے بھارت غا آئین نانہہ وی پامال کیو۔ جس غو ہر بندو ستانی بہت احترام کرے۔ انہاں نے کہیو کہ اس ویلے غی کا نگرینس غی سرکار نے ہر جمہوری اصول نانہہ نظر انداز کر غے ملک نانہہ اک جیل مانہہ بدل دتو۔ وزیر اعظم نے کہیو کہ ایمرجینسی نافذ کرن آلاں نانہہ آئین سنگ اپنی محبت غو اظہار کرن گو کوئی حق نہیں ہے۔ ان نے مزید کہیو کہ یہ ویسی لوک ہیں جنہاں نے بے شمار مواقع ور دفعہ 356 نافذ کی۔ آزادی صحافت تے وفاقیات نانہہ تباہ کرن بارے بل حاصل کرن غے نال نال آئین غا ہر پہلو غی خلاف ورزی کی۔ وزیر اعظم نے الزام لایو کہ ایمرجینسی غا نفاذ غی وجہ بنن آلی ذہنیت اسے جماعت مانہہ زندہ ہے جس نے اس نانہہ نافذ کیو تھو۔ انہاں نے دعویٰ کیو کہ کا نگرینس جماعت اپنا ٹوکن ازم غے ذریعے آئین غے بارے اپنی نفرت نانہہ چھپاوے۔ ہر بندو ستان غا لوکاں نے ان غی حرکتاں نانہہ دیکھیو وی ہے۔ اور یاہ ہی وجہ ہے کہ لوکاں نے انہاں نانہہ بار بار مسترد کیو ہے۔

\*\*\*\*\*

### Nadda Emergency

مرکزی وزیر تے بی جے پی غا سربراہ جگت پرکاش نڈا نے کہیو ہے کہ 25 جون 1975 وہ تہاڑو بے جد کا نگرینس جماعت غا سیاسی طور ور ایمرجینسی نافذ کرن بارے فیصلہ نے جمہوریت غا تھماں نانہہ ہلا غے رکھ دتو تھو۔ کیونجے اس نے ڈاکٹر بی آر امبیڈکر غا دتا گیا آئین نانہہ بے توقیر کرن غی کوشش کی تھی۔ اک میڈیا پوسٹ مانہہ جناب نڈا نے کہیو کہ اس ویلے جہیڑا لوک ہندوستانی جمہوریت نانہہ محافظ بون بارے دعویٰ کریں۔ انہاں نے آئینی اقدار غا دفاع مانہہ اٹھن آلی آوازاں نانہہ دبان مانہہ کوئی کسر نہیں چھوڑی۔ ان نے کہیو کہ ہم ان بہادراں نانہہ خراج عقیدت پیش کراں جن نے ایمرجینسی غے خلاف آواز چائی۔ ان نے کہیو کہ منان فخر ہے کہ مہاری پارٹی اس روایت سنگ تعلق رکھے جس نے ایمرجینسی غے خلاف مزاحمت کی اور جمہوریت غا تحفظ بارے کم کیو۔

\*\*\*\*\*

## Helicopter Jammu

جموں تیں شری ماتا ویشنو دیوی کٹڑا تک ہیلی کا پٹر خدمات شروع کی گئی ہے۔ شرانین بورڈ نے یا تریاں واسطے 2 مراعات پیش کی ہیں۔ جن مانہ 1 او جا نی کرن آلا یا تری نانہ 35 ہزار روپیہ غی رقم لگے گی جد کہ پہلے دن جا غے دوجے دن واپس جموں آن آلا فی یا تری نانہ 60 ہزار روپیہ غی رقم غو خرچو آوے گو۔ مہارا ضلع نمائندہ دویندر ٹھاکر نال شری ماتا ویشنو دیوی شرانین غا سی ای او انشول گرگ تے اک یا تری نے اس ہیلی کاپٹر خدمات غی شروعات ور اس طرح کہیو۔۔۔ با نٹ۔۔۔

\*\*\*\*\*

## Joshi ISO Meet

امور صارفین خوراک تے عوامی تقسیم با رے مرکزی وزیر پر ہلا د جو شی نے گنا غی پا نیدار اور متنوع پیداوار غا سلسلہ مانہ عالمی تعاون ور زور دتو ہے۔ دہلی مانہ 6 وین عالمی کھنڈ با رے تنظیم آئی ایس او کو نسل غا اجلاس سنگ خطاب کرتاں و ان جناب جو شی نے کہیو کہ کوئی وی منصوبو بناتے ویلے صارفین، کساناں تے صنعت غا مفادات مانہ توازن رکھنو کلیدی اہمیت غو حامل ہے۔ انہاں نے کا رگاہ غا ممبراں ور زور دتو کہ وے اکھٹا ہو غے کہٹوں کہٹ پانی غو استعمال کر غے متی تیں متی فصل پیدا کرن با رے ذہن سازی کریں۔ انہاں نے مزید کہیو کہ گنا غی نرکھ صاف ایندھن پیدا کرن غی صلاحیت غی وجہ تیں نوی اُنچانی ور پُج گئی ہے۔ میڈیا سنگ گل کرتاں و ان جناب جو شی نے امید ظاہر کی کہ 12 بہراں بعد آئی ایس او غا اجلاس غی میزبانی کرن آلا بھارت غے نال کساناں تے صارفین غی بھلانی بہتری پانی غی بچت با رے جدید خیالات اور نظریہ بانڈے آویں گا جھیڑا کہ ویلہ غی لوڑ ہے۔

\*\*\*\*\*

## LS Speaker

بی جے پی غا سنر رکن پا رلیمان تے سابقہ لوک سبھا سپیکر اوم برلا تے کانگریس غا رکن پارلیمان کے سریش نے پلک ہون آلا لوک سبھا اسپیکر غا انتخاب غا سلسلہ مانہ نامزدگی داخل کی ہے۔ سرکار تے حزب اختلاف مانہ عہدہ ور اتفاق رائے نہ ہو سکیو۔ مرکزی وزیراں نے حزب اختلاف غا رہنماواں سنگ ملاقات وی کی۔ پر ڈپٹی اسپیکر غا کردار ور گل بات رُک گئی۔ حزب اختلاف نے اوم برلا غی حمایت کرن تیں پہلاں اس عہدہ نانہ پُر کرن با رے اصرار کیو۔ راہول گاندھی نے کہیو کہ اگر حزب اختلاف نانہ ڈپٹی سپیکر غو عہدو دتو جائے تے وے معاہدہ غے تحت اسپیکر واسطے این ڈی اے غا نامزد امید وار غی حمایت کرن با رے تیار ہیں۔

\*\*\*\*\*

## FM Budget Meet

وزیر خزانہ نرملا سیٹھا رمن نے اج نویں دہلی مانہ تجارت تے خدمات غا نمائنداں سنگ ستواں پیشگی میزانیہ با رے مشاورت غی صدارت کی تانجے آئندہ عام میزانیہ غا سلسلہ مانہ صلاح با رے لی جا سکیں۔ مذکورہ قبل از بجٹ مشاورتی اجلاس مانہ مرکزی وزیر مملکت برائے خزانہ پنکج چودھری اقتصادیات محکمہ غا چیف صلاح کار وی اننتھا ناگیشورن، مالی معاملات غا سیکریٹری ٹی وی سوماناٹھن، محکمہ اخراجات اور محکمہ اقتصادیات امور وزارتاں غا سیکریٹریاں نے وی شرکت کی۔ واضع رہے جے اس موقع ورتاں اور صنعت وزارت غا سیکریٹری نے وی حصو لیو۔ گذشتہ روز محترمہ سیٹھا رمن نے بیو پار تے مزدور تنظیمان گا نمائنداں سنگ قبل از وقت بجٹ با رے میٹنگ کی۔ پچھلے ہفتے وزیر خزانہ نے تمام ریاستاں تے مرکز غے زیر انتظام علاقان غا وزیر خزانہ غے نال بجٹ تیں پہلاں اک میٹنگ کی تھی۔ تے نال ہی کسان تنظیمان غا نمائنداں اور ذراعت غا ماہرین اقتصادیات سنگ وی مشاورت کی تھی۔ وزیر موصوفہ تے اس تیں پہلاں مالیاتی

اور سرمایہ منڈیاں غا شعباں، صنعت کاراں غے نال نال منیا پڑمنیا ما ہرین اقتصادیات سنگ وی اسے طرح غی ملاقات کیں تھیں۔

\*\*\*\*\*

یہ خبر تم آکا شوانی جموں تیں سن رہیا ہیں خبراں غا باقی حصہ نال عبید الرحمان۔

### LG Yatra

لیفٹنٹ گو رنر منوج سنہا نے اج ضلع گا ندر بل مانہہ بالتال بیس کیمپ گو دورو لا غے ات امرناتھ یا ترا واسطے کیا گیا حفاظتی انتظامات غو جائزو لیو۔ اس دوران موصوف نے ات موجود خوراک، دوائیاں تیں علا وہ پانی تے آکسیجن غی دستیابی اور ٹیلی کام رابطاں غو جائزو لیو۔ واضع رہ جے اس سال امرناتھ یا ترا 29 جون نانہہ شروع ہو غے 19 اگست 2024 نانہہ اختتام پزیر ہو جائے گی۔ اس تیں بعد لیفٹنٹ گو رنر نے جموں کشمیر بھارت سکا وٹ عملہ نال خطاب کیو اور کہیو کہ یوہ عملو ہر طرز ور عوامی خدمات کرے اور نوجوان کسے وی سماج مانہہ تبدیلی لیا سکیں۔ اور بہتر مستقبل واسطے لا نھ عمل تیار کر سکیں۔

\*\*\*\*\*

### Yatra Security

انتیس (29) جون نانہہ شروع ہون آلی شری امرناتھ یا ترا غا سلسلہ مانہہ بھگوتی نگر جموں مانہہ تمام تیاریں مکمل کر لی گئی ہیں۔ حفاظتی انتظام با رے گل کرتاں واں ایس ایس پی جموں ونود کمار نے کہیو کہ حفاظت غا تگڑا بندوبست کیا گیا ہیں۔ بکھ بکھ مقامات ور تمام حفاظتی ایجنسی تعینات کی گئی ہیں۔ اس سلسلہ مانہہ بولتاں و ان ان نے اس طرح کہیو۔ بانٹ۔

\*\*\*\*\*

### SANJY 24 Visit

دیہی ترقیات تے پنچائیتی راج غا سیکریٹری شاہد اقبال چودھری چہڑا جے شری امرناتھ یا ترا 2024 غا نوڈل افسر وی ہیں نے گذشتہ روز بالتال غو دورو لا غے یا ترا واسطے کیا گیا انتظامات گو تفصیلی جائزو لیو۔ اس دوران بالتال غا مقام ور بجلی، پانی، ٹینٹ سہولیات، صفائی ستھرائی تے دیگر انتظامات غو جائزو لین تیں بعد سیکریٹری موصوف نے متعلقہ محکماں نانہہ ضروری ہدایت جا ری کیں اس موقع ور ڈاکٹر شاہد اقبال چودھری نے سول انتظامیہ تے کیمپ ڈائریکٹراں غی اک میٹنگ طلب کی اس دوران موصوف نے تمام یا تریاں واسطے صاف ستھرو ماحول فراہم کرن غی ہدایت کی اور متعلقہ افسراں نانہہ ہر طرز ور یا تریاں غی سہولت واسطے دستیاب رہن غی ہدایت کی گئی۔

\*\*\*\*\*

### IGP Yatra

کشمیر زون غا انسپکٹر جنرل پولیس وی کے بردھی نے پولیس کنٹرول روم کشمیر مانہہ گذشتہ روز شری امرناتھ یا ترا 2024 واسطے کیا گیا انتظامات غو تفصیلی جائزو لیو ہے۔ اس موقع ور موجود افسراں نے آئی جی پی نانہہ پی پی ٹی غے ذریعے حفاظتی منصوبہ تے مخصوص ضروریات تیں علا وہ اس سال اضلاع غے اندر پُر امن طریقہ نال امرناتھ یا ترا واسطے کیا گیا انتظامات غو خاکو پیش کیو۔ متعلقہ افسراں نانہہ ہدایت جاری کرتاں واں موصوف نے ہر طرز ور حفاظتی صورتحال تے قدرتی اور مصنو عی آفات نال نبرن خاطر انتظامات تیں علا وہ سڑک تے قومی شاہراہ ور نیڑویں نظر رکھن غے نال نال رات غا وقت مانہہ پیش آن آلا سڑک حادثاں ور وی قابو پان غی تدابیراں ور عمل آوری نانہہ یقینی بنان غی ہدایت جا ری کی ہیں۔

\*\*\*\*\*

## Committee NTA Meeting

وزارت تعلیم غی طرفوں تشکیل دتی گئی اعلیٰ سطحی کمیٹی غی اج پہلی میٹنگ منعقد ہوئی جس دوران این ٹی اے غی طرفوں شفاف طریقہ نال امتحان کران ور تبادلہ خیال کیو گیو۔ نوی دہلی مانہہ ذرائع ابلاغ نال گل کرتاں واں کمیٹی غا چیرمین ڈاکٹر کے رادھا کرشنن نے کہیو کہ کمیٹی سب تیں پہلاں طالب علماں تے اُن غا والدین غی رائے طلب کرے گی اور طالب علماں غا ذہنی دباؤ نانہہ ختم کرن خاطر تجاویز ور عمل کرے گی۔ مہارا نمانندہ نے خبر دتی ہے کہ حالیہ دنناں مانہہ سرکا ر نے اک کمیٹی تشکیل دتی ہے جس غی صدارت اسرو غا چیرمین ڈاکٹر کے رادھا کرشنن کر رہیا ہیں۔ اور اس کمیٹی غو کم این ٹی اے غی طرفوں کرایا جان آلا امتحانات ور ہر طرح غی تجاویز پیش کرنو ہے۔ اس تیں علا وہ موجودہ شکایات غا ازالہ تے دیگر معاملات ور کمیٹی وزارت تعلیم نانہہ 2 مہینہ غے اندر اپنی رپورٹ پیش کرے گی۔

\*\*\*\*\*

## DC Jammu Migrants

سماجی فلاح و بہبود غا فانداں نانہہ براہ راست کشمیری مانیگرینٹ آبا دی تک پجان خاطر ڈی سی جموں سچن کمار ویشے نے گذشتہ روز اک میٹنگ طلب کی۔ اس میٹنگ مانہہ رلیف کمشنر اروند کروانی وی موجود تھا۔ اس دوران راشن کارڈاں غی تقسیم کاری تے این ایف ایس اے ضابطاں غے تحت موجودہ خوراک ضابطاں غی عمل آوری ور تبادلہ خیال کیو گیو۔ اور اس ضمن مانہہ خصوصی کیمپ لان غی تجویز پیش کی گئی۔

\*\*\*\*\*